





登科記考卷十六

次興徐松

唐憲宗昭文章武大聖至神孝皇帝

元和元年

丙戌

正月丁卯赦天下改元

通鑑

甲申上皇崩於興慶宮

通鑑

三月辛未御史中丞武元衡奏兵部吏部禮部貢院官員近起十月至來年二月稱在選舉限內不奉朝參令式無文禮敬斯闕一年之內半歲不朝準貞元十二年中丞王顏奉敕釐革載在明文尋又因循輒自更改若以兵部禮部選舉限內事繁卽中書門下

御史臺度支京兆府公事至重朝請如常而況旬節已賜歸休常  
參又許分日一月之內纔奉十日朝參其間甚暑甚寒又蒙矜放  
臣求故實以爲王顏任中丞日嘗論其事舉對甚詳當時敕文處  
分甚備請準貞元十二年四月二十七日敕旨自今以後永爲常  
式他年妄改前條請委臺司彈奏庶使班行式序典法無虧從之

舊書

本紀

四月國子祭酒馮伉奏應解補學生等國家崇儒本於勸學旣居  
庠序宜在交修其有藝業不勤遊處非類樗蒲六博酣酒喧爭凌  
慢有司不修法度有一於此竝請解退又有文章帖義不及格限

頻經五年不堪申送者亦請解退其禮部所補學生到日亦請準格帖試然後給廚後每月一度試經年等第不進者停廚庶以止姦示其激勸又准格九年不及第者卽出監訪聞比來多改名卻入起今以後如有此類請送法司准式科處敕旨從之

冊府元龜

丙午

按白居易策林序云與微之俱應制舉閉戶累月揣摩當代之事又代書百韻詩注云自冬至夏頻改試期蓋以順宗崩

故遲至四月也

命宰臣已下監試應制舉人於尙書省以制舉人皆先朝

所徵故不親試制曰朕以寡薄獲奉睿圖嚴恭寅畏不敢暇逸永惟萬邦之廣庶務之殷而燭理未明體道未至思欲復三代之盛烈觀十聖之耿光是用詳求正言思繼先志子大夫等藏器斯久

賁然而來白駒就維洪鐘待扣膺茲獻納朕甚嘉之言觀國光宜  
有廷試本將詢事豈忘臨軒園邑有期營奉是切永言誠感未暇  
躬親爰命公相泊於卿士親諭朕意延訪嘉謀至於興化之源才  
識攸重練達吏理詳明儒術當是三道副朕旁求意或開予靡有  
所隱條列所問畢志盡規當酌古而參今使文約而意備朕將親  
覽擇善而行並宜坐食食訖就試

冊府元龜  
唐大詔令集

二十八日策才識兼茂明於體用科問皇帝若曰朕觀古之王者  
受命君人兢兢業業承天順地靡不思賢能以濟其理求讜直以  
聞其過故禹拜昌言而嘉猷罔伏漢徵亟直可



俗罔不率繇厥後相循有名無實而又設以科條增求茂異捨斥已之至言進無用之虛文指切著明罕稱於代茲朕所以歎息鬱悼思索其真是用發懇惻之誠咨體用之要庶乎言之可行行之不倦上獲其益下輸其情君臣之間驩然相與子大夫得不勉思朕言而茂明之我國家光宅四海年將二百十聖宏化萬邦懷仁三王之禮靡不講六代之樂罔不舉浸澤於下升中於天周漢已還莫斯爲盛自禍階漏壤兵宿中原生人困竭耗其大半農戰非古衣食罕儲念茲疲氓未遂富庶督耕殖之業而人無戀本之心峻權酷之科而下有重斂之困舉何方而可以復其盛用何道而

可以濟其艱既往之失何者宜懲將來之虞何者當戒昔主父懲  
患於晁錯而請推恩夷吾致霸於齊桓而行寓令精求古人之意  
啟迪來哲之懷眷茲治聞固所詳究又執契之道垂衣不言委之  
於下則人用其私專之於上則下無其效元帝優游於儒學盛業  
竟衰光武責課於公卿峻政非美二途取捨未獲所從余心浩然  
益所疑惑今予大夫熟究其旨著之於篇興自朕躬無悼後害

冊府

元龜

文苑英華

唐大詔令集

辛酉詔曰構大厦者必總於羣材成大川者必資於百谷故思理  
之主求賢罔遺所以昭宣令圖廣大前緒觀文緝化其在茲乎朕



以寡昧獲奉丕業虛已問政實始於茲考言求益敢不祇若故命  
左右輔弼洎有位之臣會於中臺必究其論緘密以獻省自朕躬  
果獲賢能副予饑渴才識兼茂明於體用科人第三次等元稹韋  
愔第四等獨孤郁白居易曹景伯韋慶復第四次等崔韶羅讓崔  
護元修薛存慶韋珩第五上等蕭俛李蟠沈傳師柴宿達於吏理  
可使從政科第五上等陳謁等咸以待問之美觀光而來詢以三  
道之要復於九變之選得失之間粲然可觀宜膺德茂之典式叶  
言揚之舉其第三次等人委中書門下優與處分第四次  
等第五上等中書門下卽與處分

冊府元龜  
唐大詔令集

進士二十三人

文苑英華載山出雲詩是此年  
試題 撫言是年郭求府元落

武翊黃

狀元  
唐語林

武翊黃府送為解頭及第為狀頭宏詞為敕頭時為武三頭後惑  
於媵嬖薛荔苦其豕婦盧氏雖新昌李相紳以同年蔽之而眾論

不容終至流竄

章孝標錢塘贈武翊黃詩天人科

皇甫湜

百五

第占三頭

按

宰相世系表翊黃字坤輿元衡之子

陸暢

永樂大典引蘇州府

家注引孫注皇甫湜字持正睦州新

陸暢

志陸暢元和元年登

安人元和元年擢進士第為陸渾尉

第

韓愈送陸暢歸江南詩云舉舉江南子名以能詩

張復

愈韓

聞一來取高第官佐東宮軍考異引洪注暢字達夫

張

徹墓誌銘君弟復亦進士五百家注引孫注元和元年復中進

士

幽閒鼓吹元稹在鄂州張復為從事稹常賦詩命院中屬和

復乃簪笏見稹曰某偶以大人往還高門謬獲一第其

李紳

舊書

實詩賦皆不能也稹嘉之曰質實如是賢于能詩者矣

本傳紳本山東著姓父晤厯金壇烏程晉陵三縣令因家無錫紳

六歲而孤母盧氏教以經義紳能為歌詩鄉賦之年諷誦多在人

口元和初登進士第

唐才子傳

李紳字公垂亳州人元和元年

武翊黃榜進士與皇甫湜同年

沈亞之李紳傳李紳者本趙人

徙家吳中元和元年節度使宗臣錡在吳紳以進士及第還過謁

錡容齋四筆引登科記元和元年崔邠下放李紳李潛慧山

寺家山記金陵之屬郡毗陵南無錫縣有佛寺曰慧山寺潛家山

也貞元元和中先丞相太尉文肅公心寧色養家寓是縣因肄業

於慧山始年十五六丙戌歲擢第歸寧李紳龍宮寺李願言

詩序元和三年余以前進士爲故薛平常侍招至越中

元和元年及第見太韋愬舊書韋處厚傳處厚字德載京兆人

平廣記引定命錄韋愬父萬監察御史處厚本名湑避憲宗

諱改名處厚元和初登進士第又云處厚與李紳皆以孤進同年

進士劉禹錫韋處厚集序公本名湑舉進士登賢良既仕更名

處厚字德載按愬崔公信公信元和元年登進士第見唐詩

當作湑今相承誤書崔公信紀事雲溪友議有崔巡官者昔

居鄭圃與李丞相同年之舊按丞相王正雅舊書本傳正雅字

卽李紳崔巡官不知卽公信否俟考王正雅光謙元和初舉進

士登甲科禮部侍郎崔邠甚知之張勝之見文苑韓伋舊書韓思復傳子朝

新書元和初舉進士李虞仲父端虞仲元和初登進士第高鉞舊書

初舉進士李虞仲父端虞仲元和初登進士第高鉞舊書

字翹之祖鄭賓父去疾

錢元和初進士及第

明經科

雲麓漫鈔於元和元年載五經科學究科誤以為制科應入此年明經下

諸科三十六人

雲麓漫鈔於是年載開元禮科學究科律令科明習律令科應入諸科下亦誤以為制科也

博學宏詞科

杜元穎

進士杜元穎宏詞登科考憲宗紀及宗儒

傳宗儒於貞元二十年遷吏部侍郎元和元年十一月自吏部侍郎為東都留守貞元二十年停貢舉元穎蓋以貞元二十一年登

第元和元年

擢宏詞也

才識兼茂明於體用科

元稹

見冊府元龜唐會要舊書本傳

用科登第者十八人稹為第一元和元年四月也侯鯖錄載元

微之年譜元和元年微之年二十八歲中才識兼茂明於體用科

第拜左

韋愔

見冊府元龜唐會要劉禹錫韋處厚集序憲

拾遺

宗朝河南元公稹京兆韋公愔以才識兼茂徵

獨孤郁見冊府元龜唐會要舊書本傳元和初應制舉才識兼茂明於體用科策入第四等拜左拾遺韓愈獨孤郁墓誌銘元和元年對詔策拜右拾遺五百家注

引孫曰郁應才識兼茂明於體用科中第三白居易見冊府元龜唐會要

舊書本傳元和元年四月憲宗策試制舉人應才識兼茂明於體用科策入第四等授藍屋縣尉白居易策林序微之首登科

予次焉曹景伯見冊府元龜唐會要舊書確傳景伯登制科舊韋慶復見冊府元龜唐會要

崔瑄冊府元龜作韶唐會要作綰皆誤舊羅讓見冊府元龜唐會要舊

書孝友傳羅讓應詔對策高等為咸陽尉崔護見冊府元龜唐會要

按權德輿羅珣墓誌言讓登直言極諫科誤薛存慶見冊府元龜唐會要韋珩見冊府元龜唐會要李蟠冊府元龜一作瑀唐會要作瑀

元修見冊府元龜唐會要沈傳師見冊府元龜唐會要舊書本傳登制科乙第永樂大典引蘇州府志作貞元

十年蕭俛見冊府元龜唐會要舊書本傳元和初復登賢良方正制科拜右拾遺柴宿見冊府元龜唐會要

誤

會要

達於吏理可使從政科

陳祐

疑卽貞元九年登第之陳祐

蕭睦

冊府元龜舊書韋

貫之傳元和元年與中書舍人張宏靖考制策第其長者十八人

其後多以文稱白居易撰元稹母鄭夫人墓誌銘今天子始踐

阼策三科以拔天下賢俊中第者凡十八人稹冠其首焉按十八

之數正符而經術精深可爲師法科不見及第人其言三科未詳

知貢舉

禮部侍郎崔邠

舊書本傳邠爲禮部侍郎弟鄆鄆等

永樂大典載蘇州府志作中書舍人崔邠按是年豐陵優

勞德音有禮部侍郎崔邠見唐大詔令集當以本傳爲是

陸暢山出雲詩曰靈山蓄雲彩紛郁出清晨望樹繁花白看峯小

雪新映松張蓋影依澗布魚鱗高似從龍處低如觸石頻濃光藏

半岫淺色類飄塵玉葉開天際遙憐占早春

文苑英華



張復山出雲詩曰山靜雲初吐霏微觸石新無心離碧岫有葉占  
青春散類如虹氣輕同不讓塵陵空還似翼映澗欲成鱗異起臨  
汾鼎疑隨出峽神爲霖終濟旱非獨降賢人

文苑  
英華

李紳山出雲詩曰杳靄祥雲起飄颻翠嶺新瑩峯開石秀吐葉間  
松春林靜翻空少山明度嶺頻迴崖時掩鶴幽澗或隨人姑射朝  
凝雪陽臺晚伴神悠悠九霄上應坐玉京賓

文苑  
英華

張勝之山出雲詩曰片雲初出岫孤迥色難親葢小辭山近根輕  
觸石新飄颻經綠野明麗照晴春拂樹疑舒葉臨流似結鱗從龍  
方有感捧日豈無因看取爲霖去恩霑雨露均

文苑  
英華

元稹對策曰臣方病近古之策不行而陛下言及之是天下人人之福也微臣其敢忍意而不言乎且臣聞之古者以言賦納豈虛美哉葢用之也是以益贊禹而班師說復王而作命斯皆用言之大略也洎漢文帝羞不若堯舜始以策求士乃天下郡國有賢良之貢入焉塞詔者晁錯而已至武帝時董仲舒出然而卒不能選用條對施之天下夫用其策不棄其人以其利於時也得其人而棄其策又何爲乎若此則徒設試言之科而不得用言之實矣降及魏晉朝成而暮敗之不暇又惡足言其策哉我唐列聖君臨策天下之士者多矣異時莫不光揚其名聲寵綬其爵祿然而曾不

聞天下之人曰某日天子降某問得某士行某策濟某功抑不知直言之詔屢下直言之士不出耶亦不知直言之士屢出而直言之策不用耶今陛下肇臨海內務切黎元求斥己之至言責著明之確論斯命說代言之盛意也微臣何足以奉之然臣所以上愚對皆以指病陳術而爲典要不以舉凡體論而飾文詞事苟使人雖繁必獻言苟詣理雖鄙必書固不足以副陛下懇惻之誠庶可以盡微臣之獻替耳伏願陛下以臣此策委之有司苟或有觀施之天下使天下之人曰惜哉漢文雖以策求士迨我明天子然後能以策濟人則臣始終之願畢矣如或言不適用策不便時則臣